



梅村集卷第十五

七言律詩五

過三峰藥公話舊

霜落千峰曳杖尋，筍輿衝雨過高林。  
埋書草沒松根史，洗鉢泉流石磴琴。  
萬事幾經黃葉夢，三生難負碧潭心。  
山童不省團圞話，催打溪鐘夜未深。

永平田君宗周吳故學博也袁重其識之尤  
展成司李其地相見詢袁年百有二矣索詩

紀異并簡展成

梅村集十五

七言律詩

北平車馬訪烟蘿，記向夷齊廟下過。  
百歲共看秦伏勝，一經長在漢田何。  
知交已料滄江少，耆舊翻疑絕塞多。  
聽罷袁絲數東望，酒酣求作絳人歌。

顧西嘯侍御同沈友聖虎丘卽事

註就逍遙賦，大風彥先才。  
調擅諸公疇，川兩岸憑欄外。  
雪嶺千尋攬，轡中我昔楚江同。  
宋玉君今吳市訪，梁鴻芳洲杜若無。  
能採慚愧當年過，渚宮

其二

驗蜀書成楚大夫，征帆萬里到江湖。  
鄉心縹緲思





黃鶴祖德風流話赤烏問俗駐車從父老尋山着  
履共生徒君家自有丹青筆衰白追陪入画圖

其三

生公石畔廣場開短簿祠荒閉綠苔山榼偶攜羣  
吏散布帆無恙故人來爭傳五月登高會應改三  
江作賦臺自是野王思故里可知先賞陸機才

其四

一馬雙僮出野塘論文簫寺坐匡床花移喉鼓青  
油舫月映行厨白石廊漫叟短歌傷老大散人長

梅村集十五

七言律詩  
二

揖怨清狂細將朋友從頭數落落申生見與沈耶

贈松江郡侯張升衢

從江寧  
遷任

石城門外水東流簫鼓千人最上頭二陸鄉園江  
畔樹三張詞賦郡西樓油幢置酒尊鱸夜西舫鈎  
簾杭稻秋聞道青溪行部近兒童欣喜使君游

贈松郡副守涪陵陳三石

官董  
漕

獨上高城回首難揚雄老去滯微官湖天搖落雲  
舒卷巫峽蕭森路折盤甘載兵戈違故里千村輪  
輓向長安京江原是三巴水莫作鄂筒萬里看

贈松郡司李內江王擔四

十月江天曉放衙茸城寒發錦城花金隄更植先

人柳玉壘重看使者車

父侍御治京口湖堤

吏嶺霜柑書憶

弟粵東令

曲阿春釀夢思家

侍御避亂僑居丹陽

詩成別寫鵝

溪絹廳壁風篁醉墨斜

善寫竹

贈彭郡丞益甫

樓船落日紫貂輕坐嘯胡床雁影橫雨過笛生黃

歇浦花開夢遶發干城

舊崇邑令

龍蛇絹素爭搖筆

善書

松杏山河已息兵

杏山人

慷慨與君談舊事夜深欣

梅村集十五

七言律詩三

共酒盃傾

十月下澣借九日過雲間公譙闔石蒼水齋

中同文饒諸子

百里溪山訪舊游南皮賓客盛風流文章座上驚

黃絹名字人間愧白頭董相園開二徑夜陸生臺

在九峰秋酒酣莫話當年事門外滄江起暮愁

其二

霜落南樓笑語清無端街鼓逼嚴城三江風月尊

前醉一郡荆榛笛裏聲花滿應徐陪上譙歌殘藉



阮隔平生歸來枕底天涯夢啞荒雞已五更

贈松江別駕日照安肇開

秋盡西風鬢影蒼伏生經術蓋公堂雞聲日出秦  
祠遠鶴唳江空禹蹟荒二水潄澗杯酒合三山樓  
觀画图裝歸來好啗安期棗不夜城頭是故鄉

滇池鏡吹

碧雞臺榭亂雲中舊是梁王避暑宮銅柱雨來千  
嶂洗鐵橋風定百蠻通朱鸞縣小輪寶布白象營  
高掛柘弓誰唱太平滇海曲檳榔花發去年紅

梅村集十五

七言律詩  
四

其二

苴蘭城闕鬱岩髡貝葉金書使者朝海內徵輪歸  
六詔天邊勳伐定三苗魚龍異樂軍中舞風月蠻  
姬馬上簫莫向昆明話疏鑿道人知已劫灰消

其三

靄翠奢香祠總荒蘆笙吹徹瘴雲黃縱擒有策新  
疆定叛服何嘗舊史亡鬼國三年勞薄伐王師五  
月下殊方瀾滄肯爲他人渡不許窺人有夜郎

其四

盤江西遶七星關可渡河邊萬仞山隴上舊傳收  
白帝南中今喜定烏蠻龍坑壯馬看馳驟雞足高  
僧任往還辛苦武侯停節處殘碑零落草班班

儒將

河朔功名指顧收身兼使相領諸侯按兵白道調  
神鶴挾妓青山駕快牛論敵肯輸楊大眼知書不  
減范長頭它年信史推儒將馬稍清談第一流

俠少

寶刀千直氣凌雲俠少新叅龍武軍柳市博徒珠

梅村集十五

七言律詩

勒馬柏堂箏妓石華裙招權夜結金安上挾策朝  
干王長君堪笑年年秘書客白頭空守太玄文

山居卽事示王惟夏郁計登諸子

灌木清漳五畝居山菘簷果釣竿魚金龜典後頻  
賒酒麈尾燒來爲著書對客好穿高齒屐出門常  
駕短轅車陸倕張率呼同載三月江南正禳除

九峰詩

鳳凰山

碧樹丹山千仞岡夫差親獵雉嫌場五茸風動瓊



盤江西遶七星關可渡河邊萬仞山隴上舊傳收  
白帝南中今喜定烏蠻龍坑壯馬看馳驟維足高  
僧任往還辛苦武侯停節處殘碑零落草班班

儒將

河朔功名指顧收身兼使相領諸侯按兵白道調  
神鶻挾妓青山駕快牛論敵肯輸揚大眼知書不  
減范長頭宅年信史推儒將馬稍清談第一流

俠少

寶刀千直氣凌雲俠少新叅龍武軍柳市博徒珠

梅村集十五

七言律詩

勒馬柏堂箏妓石華裙招權夜結金安上挾策朝  
干王長君堪笑年年秘書客白頭空守太玄文

山居郎事示王惟夏郁計登諸子

灌木清漳五畝居山菴簷果釣竿魚金龜典後頻  
除酒麈尾燒來爲著書對客好穿高齒屐出門常  
駕短轅車陸倕張率呼同載三月江南正祓除

九峰詩

鳳凰山

碧樹丹山千仞岡夫差親獵雉嫌場五茸風動琅

玕實三泖雲流沆漭漿鳥聽和鳴巢翡翠花舒錦  
翼照文章西施醉唱秦樓曲天半吹簫引鳳凰

庫公山

庫公石礪掩莓苔千載陰符戰骨哀鐵鎖任從田  
父識玉書休爲道人開三分舊數江東望二俊終  
非馬上才恨殺圯橋多授受鬪宅劉項至今來

神山

紫蓋青童白鹿巾細林仙館鶴書頻洗來丹井千  
年藥蛻去靈蛇五色鱗洞起春雲招勝侶潭空秋

梅村集十五

七言律詩  
六

月證前身赤松早見留侯志何況商顏避世人

奈山

溪堂剪燭話徵君通隱昇平半席分茶笋香來朝  
命酒竹梧陰滿夜論文知交倒屣傾黃閣妻子誅  
茅住白雲處士盛名收不盡至今山屬余將軍

薛山

薛公高卧始何年學士傳家有墓田枉自布衣登  
侍從長將雲壑讓神仙坐來石榻蒼苔冷採得溪  
毛碧藕鮮最愛玉屏山下路月明橋畔五湖船



機山

兼葭滿目雁何依  
內史村邊弔陸機  
豪士十年食  
隱遯通侯三世累  
輕肥江山麗藻歸  
文賦京洛浮  
沉負釣磯  
白裕未還青  
蓋遠辨亡書在  
故園非

橫雲山

橫雲插漢領  
諸峰雨過泉飛亂  
經松赤壁豈經新  
戰伐丹楓須記舊  
游蹤祠荒故相江  
村鼓客散名  
園蘭若鐘莫信  
參龍雲不去  
此山雲只爲人龍

龍母祠又  
陸雲故宅

梅村集十五

七言律詩

天馬山

一名  
干山

龍媒天馬出昆崙  
青海長留汗血痕  
此地干將騰  
劍氣何來逸足鏤  
雲根石鯨潭影秋  
風動山有二  
石魚飛  
去鐵笛江聲夜雨昏  
鐵崖  
葬處芻秣可辭銜  
勒免空山

長放主人恩

小昆山

積玉昆岡絕代無  
讀書臺上賦吳都  
君臣割據空  
祠廟家國經營入  
畫圖勢去河橋悲  
士馬詩成山  
館憶蓴鱸傷心白  
壁投何處汗簡淒  
涼陸大夫

送贛州曾庭聞孝廉移家寧夏

十年走馬向天涯回首關河數暮鴉  
大庾嶺頭初罷戰賀蘭山下不思家  
詩成積裹因聞雁書到江南定落花  
夜半酒樓羗笛起軟裘衝雪踏鳴沙

贈何匡山

早年納節卧滄浪回首風塵鬢髮蒼  
陶令軍營姑孰口

大兵收溧陽參其軍事謝公游墅石門莊  
後僑寓溧陽太白所謂石

門精舍即其地也山田種罷輪嘗稅海國歸來認故鄉  
何本

今歸二月村居春雨足官梅花發為何郎

梅村集十五 七言律詩

題海虞孫子長七十壽圖

春秋註就授生徒虞仲祠前一老夫  
鳥几看雲吟箇閣布帆衝雨醉菱湖  
空山撫操彈三峽故國興懷賦兩都  
同輩半非身健在為誰寫入煉丹圖  
虞有

徐神翁煉丹處

觀蜀鵲啼劇有感 并序

蜀鵲啼者丘子喫雪為吾兄成都令志衍  
作也志衍一官遠宦萬里嚴裝愛弟從行  
故人送別上游梗寒盡室扶攜既舍水而



登山甫自滇而入蜀北都覆沒西土淪亡  
身殉封疆家罹鋒鏑嗚呼三十六口痛碧  
血之何存一百八盤招游魂而莫返無兒  
可托有弟言歸竄身荆棘之林乞食狼狽  
之族望蠻烟而奔走脫賊刃以崎嶇耻趙  
禮之獨全赤眉何酷恨童烏之不免黃口  
奚辜爰將委巷之謳展作巴渝之舞庾子  
山之賦傷心時方板蕩袁山松之歌行路  
聞且唏歔余也老逐歡游閒逢浩唱在中  
年早傷於哀樂况昔夢重感乎交朋豈獨  
伍相窮來憐者有同聲之歎遂使雍門曲  
罷泫焉如亡邑之人瞻望兄兮猶來思悲  
翁而不見蘭堂客散金谷詩成非關聽伎  
之吟聊當懷人之什爾

梅村集十五

七言律詩  
九

花發春江望眼空  
杜鵑聲切畫簾通  
親翮形影燈前月  
家國音書笛裏風  
百口悔教從鳥道  
一官催去墮蠶叢  
雪山盜賊今何處  
腸斷篁篔曲未終

江關蕭瑟片帆留策馬俄成萬里游失計未能全  
愛子端居何用覓封侯雲山已斷中宵夢絃管猶  
開舊日樓二月東風歌水調鶴鴿原上使人愁

其三

平生兄弟劇流連高會南樓盡少年往事酒杯來  
夢裏新聲歌板出花前青城道士看游戲白髮衰  
翁漫放顛雙淚正垂俄一笑認君真已作神仙

志符兵  
解仙去

其四

梅村集十五

七言律詩

過盡蠻江與瘴河還家有弟脫兵戈狂從劇孟千  
塲博老愛優旃一曲歌紅豆花開聲宛轉綠楊枝  
動舞婆娑不堪唱徹關山調血汚游魂可奈何

題華山藥菴和尚画像

和尚熊姓字魚山直  
諫予杖不死後入道

清如黃鶴矯如龍浩劫長指不壞松四國雞壇趨  
北面千年雪嶺啓南宗

西銘復社漢月禪燈皆  
師今吳江時身所興起

湖夙世歸梅福經卷殘生繼戴顓靜論總銷隨諫

草故人已隱祝融峰

繼公隱南嶽  
藥公本師也

其二



西南天地嘆無歸  
漂泊干戈愛息機  
黃蘗禪心清  
磬冷白雲鄉  
樹遠帆微全  
生詔獄同官在

指姜如農乞

食江城故老稀

松陵

布衲綻來還自笑  
篋中血裹舊

朝衣

戊申上巳過吳興家園次太守招飲郡圃之

愛山臺坐客十人同脩禊事余分韻得苔字

六客堂西裊飲臺  
亂山高會嘯歌開  
塔懸津樹雨中出  
鐘送浦帆天際來  
同輩酒狂眠怪石  
前賢墨妙洗蒼苔  
右軍勝集今誰繼  
仗有吾家季重才

梅村集十五

七言律詩十一

立夏日陪園次郡伯過孫山人太白亭落成

置酒分韻得人字

春盡山空鶴唳頻  
亂雲歸處鎖松筠  
江湖有道容奇士  
關隴無家出俊人  
招隱起亭吟社客  
散仙留冢醉眠身  
一瓢零落殘詩在  
誰伴先生理釣緡

得友人札詢近况詩以答之

溪堂六月火雲愁  
支枕閒窓話貴游  
王令文章今日進  
丘公仕宦早年休  
道衰薄俗甘棲遁  
才退殘書勉勸讐  
京雜故人聞健飯  
黃塵騎馬夾城頭

八風詩

并序

余消夏小園風翯然而四至雖泠泠可以  
折醒已疾而凄其怒號不能無爰居之思

其避其庶人之雌風乎聊廣其意作爲此詩

莊列寓言沈謝作賦庶以鳴候蟲而諧比  
竹若云俟諸輶軒則此不足採也

其一 東風

汴水楊花撲面迎飄飄飛過雒陽城陶潛籬畔吹  
殘醉宋玉墻頭送落英油壁馬嘶羅袖舉綠塘波

梅村集十五 七言律詩

緞回簾聲獨憐趙后身輕甚斜倚雕闌待月生

其二 南風

玉尺披圖解愠篇相鳥高指越裳天終南雲出松  
檜響雙闕雨飛鈴索懸師曠審音吹不競鍾儀懷  
土操誰傳九疑望斷黃陵廟曾共湘靈拂五絃

其三 西風

落日巴山素女秋梧宮蕭瑟唱涼州白團掌內恩  
應棄絳蠟窓前淚未收隴坂征夫蘆管怨玉關思  
婦杵聲愁可堪益部龍驤鼓獵獵牙旗指石頭



其四 北風

萬里扶搖過白登少卿書斷雁難憑蕭梢駿尾依  
宛馬颯爽雄姿刷代鷹野火燒原青海雪驚沙擊  
面黑河水懸公瑾戶頭如蝟傳道君王獵霸陵

其五 東南風

紫葢黃旗半壁中斗牛斜直上游通漫分漢沔魚  
龍陣須仗江湘鳥鵲風撥柁引船濡口利禡牙揮  
扇赭圻功試看片刻周郎火一卷曹公戰艦空

志周瑜傳註黃蓋取輕艦十舫載燥荻枯柴建旌  
旗于上時東南風急同時發火燒盡北船曹公退

梅村集十五 七言律詩

走

其六 西南風

武帝雄圖邛笮開相如馳傳夜郎回巴童引節旌  
旄動棘馬隨車塵土來堯女尚應愁楮樹 史記秦  
皇西南  
渡淮水浮江至湘山祠逢大風幾不得  
渡知是堯女使刑徒伐湘山樹楮其山楚王從此  
怕登臺小臣欲進乘槎賦萬里披襟好快哉

其七 東北風

飛廉燦怒向人間徐福求仙恨未還萬乘雨休封  
禪樹 史記封禪書始皇上太山  
遇暴風雨休于大樹下 八神波斷羨門山

史三神山在渤海中患且至則船引風而去始皇  
時方士皆以風爲解○八神皆在齊北成山斗入  
海最居齊 蕭蕭班馬東巡海發發嚴旌北距關錯

東北隅 認祖龍噫氣盛蓬萊咫尺竟誰攀

其八 西北風

沛宮親作大風歌往事彭城奈楚何身陷重圍逢

晦冥天留數騎脫干戈

史記項王圍漢王三匝大風從西北起折木發屋揚

沙石窈冥書晦楚軍亂乃得遁去

威加河朔金方整地遶幽并殺

氣多好祭蚩尤耐風伯飛揚長護漢山河

贈同年嘉定王進士內三

梅村集十五 七言律詩十四

槎浦岡頭自種田居然生活勝焦先赤松採藥深

山隱白鶴談經古寺禪孺仲清名交宦絕彥方高

行里間傳曲江細柳新蒲綠回首銅龍對策年

其二

翠竹黃花一草堂柴門月出課畊桑蘇林投老思

遺事譙秀辭徵住故鄉彊飯却扶芒屨健高歌脫

帽酒杯狂莫嗟過眼年光易征調初嚴已十霜

其三

先生吟社夜留賓紫蟹黃雞甕面春萬事夢中稱



幸叟一家榜下出閒人

內三及二子皆科第而不仕

君房門第

多遷改叔度才名固絕倫

指上谷江夏

青史舊交餘我

在北窓猶得岸易巾

春城其四

晚歲風流孰似君烏衣子弟總能文青箱世業高

門在白髮遺經半席分正禮雙龍方矯角釋奴千

里又空羣外家流輩非容易肯信衰宗有右軍

大中丞心康韓公九月還白淮南生日為壽

聞闔清秋爽氣來尚書新自上游回八公草木登

梅村集十五

七言律詩十五

高宴九日茱萸置酒臺兵食從容經久計江淮安

穩濟時才尊前好唱南山曲笳鼓西風笑語開

贈李膚公五十

先德傳家歷苦辛汗青零落剩閒身雲山笑傲容

遺叟松菊招尋見故人猶有田園供伏臘豈無書

卷慰沉淪只看五月開樽宴撥刺江魚入饌新

庚戌梅信日雨過鄧尉哭剖石和尚遇大雪

夜宿還元閣

筍輿衝雨哭參寥宿鳥啾鳴萬象凋北寺九成新

妙塔

師修報恩塔初成

南湖千頃舊長橋雲堂過飯言猶

在

去歲與師同飯山閣

雪夜挑燈夢未消最是曉鐘敲不寐

半天松栝影蕭蕭

其二

投老相期共閉關

師有招住山中之約

影堂重到淚潺潺身

居十地莊嚴上

師初刻華藏圖

道出三峰玄要間壞袖風

光青桂冷

四宜堂叢桂最盛

殘經燈火白雲閒吾師未句

分明在雪裏梅花雨後山

送許堯文之官莆陽

梅村集五

七言律詩十六

烏石烟巒列畫圖雙旌遙喜入名都路經鷓嶺還

龍嶺符剖鴛湖更鯉湖訪舊草堂搜萬卷吟詩別

墅補千株知君不淺絃歌興別有高樓起望壺

其二

榕陰五馬快驂驪親到游洋古越南抹麗香分魚

鮑細荔支漿勝橘奴甘鮫宮月映浮春嶼蜃市烟

消見夕嵐此去褰帷先問俗上溪秋色正堪探

感舊贈蕭明府

去歲未嘗最其報餘不寐

余年三十有一以已卯七月奉命封延津



孟津兩王於禹州過汴梁登梁孝王臺適  
學使者會課屬郡知名士於臺上因與其  
人諮訪古蹟徘徊久之而後行逾三十三  
年雒陽蕭公涵三從道臣左官來治吾州  
拭目驚視云曾識余則蕭公乃臺上諸生  
中一人也感舊太息爲賦此詩

三十張旌過大梁繁臺憑眺遇蕭郎黃河有恨歸  
遺老朱邱何人問故王授簡肯忘羣彥會棄繻誰  
識少年裝長卿駟馬高車夢臥疾相逢話草堂

梅村集去

七言律詩  
十七

同孫浣心郁靜巖家純祐過福城觀華嚴會  
不求身世不求年二六時中小有天今日雲門纔  
契棒多生山谷少安禪茶鐺藥臼隨時供蒲笠蕉  
團到處眠撒手懸崖無一事經聲燈火覺王前

梅村集卷第十六

五言排律

晚眺

萬壑亂烟霜浮圖別渺茫江山連楚蜀鐘磬怨齊  
梁原廟寒泉裏園陵秋草傍雁低連雨色鷺遠入  
湖光戲馬長千里歸人石子岡舟車走聲利衣食  
負畊桑欲問淮南信砧聲繞夕陽

送吳門李仲木出守寧羗

君到南山去興元驛路長孤城當沮口舊俗問華

梅村集十六

五言排律

陽稻近磻溪種魚從丙穴嘗殘兵白馬戍廢場赤  
亭羗鐵鎖穿天上金牛立道傍隗囂宮尚在諸葛  
壘應荒往事英雄恨新愁旅客裝七盤遮駱谷十  
口隔秦倉黑水分榆柳青泥老鷓鴣不堪巴女曲  
尚賽武都王

梅花庵同林若撫話雨聯句

放策名園勝停驂客思淹

雲鳳

初涼欣颯爽入夜

苦霰霏

偉業

有待聞乾鶻無因見皎蟾

鳳

蒲荒迷

鷺影花落冷魚噉鳥語枝頭咽蟲鳴葉底潛清齋



幽事足良會逸情兼業貧士藏書富高人取友嚴

曹騰長自卧剝啄遣童覘北郭余借隱東山爾共

瞻鳳生來門是德住處水名廉業觸地詞源湧推

鋒筆陣銛萬言成寸晷一字直三練雜佩紉蘭蒨

名材貢杞栲三千登甲第四十到宮詹鳳仙樂清

商奏天厨法酒霑使車游宛雉樓艦出沱灣職亞

成均掌官同秘院僉舍毫芸閣草挿架石渠籤業

翰染丹青障碁分黑白奩望崇敦雅素氣直折壬

儉鳳道已銘鐘鼎交仍隔釜鬻雲霄三省相虎豹

梅村集十六五言排律

九關闔業害物磨牙慘持拳炙手灸游夫空掉闔

武士浪韜鈴鳳海寓洪鑪燬民生鼎沸燭天心何

叵測宸極竟危帖業夏社松陰改周原麥秀漸詩

書遭黨錮冠蓋受髡鉗鳳暴骨巖城陷燒屯甲士

殲孑民餘爨燹尺土剩滇黔業越俗更裳珮秦風

失帽幘短衣還戍削長帶執蜚穢絕跡違朝市全

身泥里閭鳳挈舟浮爛曲扶杖度山崦茵閣迎寒

茸茅亭帶雨苦業冥鴻思避弋老馬脫銜箝朋舊

從頭數篇章信口占鳳境奇窮想入才退苦言砭

大曆場誰擅元和體獨織聆音啞下里觀貌嘆無  
鹽好句奚囊貯清談麈尾拈飛觴邀阮籍豎義問  
劉惔業情洽蠲苛禮形忘略小嫌詎諧文乞巧樵

悴賦驅店書擬中郎秘香憑小史添奪蘭將滿握

采菊不盈襜鳳紙帳蛛絲罥紗屏蝶粉黏試茶追

陸羽退筆平蒙恬玩物高居澹安心老境甜食羹

調芍藥釀法製菴葦黃擘團臍蟹霜批巨口鮎香

流金杏酢脆入玉梅腌送酒橫波艷調筆素手搽

新聲歌緩緩沉飲醉厭厭業梅老看圍屋花開待

梅村集十六 五言排律

放簷道人君勿愧處士我何謙鳳綠印苔間屐青

飄柳外帘池流綠岸折峰勢出墻尖業典劇神偏

王狂來語類譫徘徊吟數過撚斷幾枯髯鳳

海螵

不肯依墻壁其如羅網偏文身疑蜎篆長髻學螺

旋踞足蟠根固容頭掩的圓但能防尾擊誰敢陷

中堅氣及先聲取髀存裏肉捐空虛寧棄擲辛苦

是連蜷處世遭多口浮生悞一鮮白鹽看雨後紅

釀向花邊入穴鉤難致呼門慘不前廻腸縈鎖甲



饋脚怨刀錢海粟蠅廬滿蟲書蜃市懸知君爾雅  
熟爲譯小言篇

麥蠶

月令初嘗麥幽風小索綸繭絲供歲早芒刺用心  
勞舊穀憂蛾賊先農攝馬曹三眠收滯穗五色薦  
溪毛簇箔同丘抵綠車借桔槔筐分南陌採縷細  
北宮縑奉種鷓鳴降輸魁蟹績高仙翁蜂化飯醉  
士蟻舖糟桑蠋僵應化水蛆卧未逃婦驚將絡緯  
客咽半蟻糟纖手揉乾糲春綿滑冷淘非關蟲食

梅村集十六

五言排律  
四

稼恰並鳥舍桃

思陵長公主輓詩

貴主徽音美前朝典命光鴻名垂遠近哀誅著興  
亡托體皇枝貴承休聖善祥母儀惟謹肅家法在  
矜莊上苑穠桃李瑤池小鳳凰鸞音青繡屨魚笏  
皂羅囊沉燎熏爐細流蘇寶蓋香禊期陪祓水繭  
館助條桑綠緜芄蘭佩紅螭薤葉璋錫封需大國  
喚仗及廻廊受冊威儀定傳烽羽檄忙司輿停鹵  
簿掌瑞徹珩璜婺宿明河澹被垣太白芒至尊憂

咄吒仁壽涕彷徨鄴邑年方幼瓊華齒正芳艱難  
愁付托顛沛懼參商文葆憐還戲勝衣泣未遑從  
容咨傅母恫恫詢貂瑞傳箭聞嚴鼓授籤見拊牀  
內人縫使甲中旨票支糧使者填平朔將軍帶護  
羗寧無一矢救足慰兩宮望盜賊狐篝火關山蟻  
潰防逍遙師逗撓奔突寇披猖牙纛看吹折梯衝  
舞莫當妖氛纏象闕殺氣滿陳倉天道真蒙昧君  
心顧慨慷割慈全國體處變重宗潢胄子除華紱  
家丞具惡裝救須離禁闔手爲換衣裳社稷仇宜

梅村集十六

五言排律

報君親語勿忘遇人崑退讓慎已舊行藏國母摩  
笄刺宮娥掩袂傷他年標信史同日見高皇元主  
甘從殉君王入未央抽刀凌左闔申脰就干將曳  
血形闔地橫尸紫纁汪絕吮甦又咽瞑睫倦微揚  
裹褥移私第霑胸進勺漿誓肌封斷骨茹戚吮殘  
創死早隨諸妹生猶望二王股肱羞魏相肺腑恨  
周昌賊遁仍函谷兵來豈建康六軍務面慟四海  
遏音喪故國新原廟羣臣舊奉嘗賄圭陳厭翟題  
湊載輜輶隧逼賢妃冢山疑望子岡銜哀存父老



主祭失元良訣絕均坏土飄零各異方衣冠羸博  
葬風雨鵲鴿行浩劫歸空壤浮生寄渺茫玉真圖  
下髮申伯勸承筐沅浦餘堯女營丘止孟姜君臣  
今世代甥舅卽蒸嘗湯沐鄉亭秩家門殿省郎婁  
涼脂粉禮零落綺羅箱宅枕平津巷街通少府墻  
晝閒偕妯娒曉坐向姑嫜偶語追銅雀無聊問柏  
梁豫游推插柳勝蹟是梳裝茵莒鴛鴦扇茱萸鸚  
鵡觴大庖南膳厥奇卉北花房暖閣葫蘆錦溫泉  
荳蔻湯雕薪獅首炭甜食虎睛糖壯麗成焦土榛

梅村集十六

五言排律  
六

蕪拱白楊塵游鵲觀苔沒鬪雞坊苟灌心惆悵  
秦休志激昂崩城身竟殞填海願難償命也知奚  
憾天乎數不減累歎床簣語卽寔寢園傷半體先  
從父遺骸始見娘黃泉母子痛白骨弟兄殤夙昔  
銅駝泣諸陵石馬荒三年修苻藻一飯奠嵩邛寒  
食重來路新阡宿草長溪田延黍稼隴笛卧牛羊  
朽壤穿螻蟻驚沙起鵲鴿病樗眠廢社衰葦折寒  
塘列刹皇姑寺馱經內道場侍鬟稱練行小像刻  
沉香玉座懸朱帳金支渡法航少兒添画燭保媪

伴帷堂露濕丹楓冷星稀青鳥翔幡旄晨隱隱鈴  
鐻夜將將控鶴攀龍馭駿麟謁帝聞靈妃歌縹緲  
神女笑徜徉苦霧迷槐市雌霓遠建章歸鄴思五  
廟涉漢淚三湘柔福何慚宋平陽可佐唐虞淵瞻  
返日蒿里叫飛霜自古遭兵擾偏嗟擁樹妨魯元  
馳孔亟羊季負倉黃漂泊悲臨海包含耻溧陽本  
朝端閩闔設制勝巖疆處順惇恭儉時危植紀綱  
英聲超北地雅操邁東鄉新野墳松直招祇祠柏  
蒼薤歌雖慘澹汗簡自輝煌謚號千秋定銘旌百

梅村集十六

五言排律

禩彰秦簫吹斷續楚挽哭滄浪

附 松江張宸長平公主誄曰長乎公主者明崇禎皇帝女周皇后產也甲申之歲淑齡一十

有五皇帝命掌禮之官詔司儀之監妙選良家議將降主時有太僕公子都尉周君名世顯者有日矣夫何蛾賊鳴張逆臣不誠天子志殉宗社國母孀孀棟棟死焉公主時在羈縻御劔親揮傷頰斷腕頽然玉折賁矣蘭摧賊以貴主既殞授屍國戚覆以錦茵載歸椒里越五宵旦宛轉復生泉途已宮龍髯脫而劍遠蘭熏罷殿蕙性折而神枯順治二年上書  
今皇帝九死臣妾踟躕高天髡緇空王庶申罔極上  
不許詔求元配命吾周君故劍是合土田邸第  
金錢牛車錫予有加稱備物焉嗟夫乘鷁扇引  
定情於改朔之朝金犢車來降禮於故侯之第  
人非鶴市慨紫玉之重生鏡異鸞臺看樂昌之



再合金枝秀發玉質含章逢德耀於皇家迓桓  
君於帝女然而心戀宮帷神傷輦路重雲畢陌  
何心金榜之門飛霜毅林豈意玉簫之節弱不  
勝悲溢焉薨逝當扶桑上仙之日距禮李下嫁  
之年星燧初周芳華未歇嗚呼悲哉都尉君悼  
去鳳之不留嗟沉珠之在殞銀臺竊藥想奔月  
以何年金殿煎香思返竟而無術越明年三月  
之吉葬於彰義門之賜莊禮也小臣宸薄游京  
輦式覩遺容京兆雖阡誰披柘館邪連象塚祇  
叩松關擬傷逝於子荆朗香空設代悼亡於潘  
令遺掛猶存敢再拜爲之詠云○又  
孫承澤春明夢餘錄曰公主名徽妮

途中遇雪卽事言懷

雪來榆塞北人去衛河西川隴方瀰漫關山正慘  
淒短衣吹帶直矯帽壓簷低漁卧舟膠浦樵歸柳

梅村集十六

五言排律  
八

斷蹊危灘沙路失廢井草痕齊塔迥埋榱臺荒  
凍鼓鞶襍輕裝易發書重笈難攜久病人貽藥長  
途友贈綈橫津船渡馬野店屋棲雞家訴兵來破  
墻嫌客亂題簀床寧有席葦壁半無泥路遠人呼  
飯廚空婦乞醯白溲麪作餌綠糝韭成齏入筯非  
鮭菜堆杵少棗梨山薪土鏗續村釀瓦罍提甌莖  
驢如怒窺燈鼠似啼旗亭人又起草市路偏擠遇  
淖前騶唱衝風後騎嘶輿肩幾步換囊糒一夫齋  
行子誰停轡居人尚掩閨漸逢農荷鋪稍見叟扶

藜往事觀車轂浮踪信馬蹄世應嘲僕僕我亦嘆  
栖栖赤縣初移社青門早灌畦餘生隨雁鶩壯志  
失虹蜺築圃千條柳畔田十具犁昔賢長笑傲吾  
道務提撕得失書新語行藏學古稽詩才追短李  
画癖近迂倪室靜閒支枕樓高懶上梯老宜稱漫  
士窮喜備殘黎有道寧微管無才却薦嵇北山休  
謂讓東觀豈攀躋令伯親垂白中郎女及笄離程  
波渺渺別淚草萋萋憶弟看雲遠思親望樹迷書  
來盤谷友夢向鹿門妻贈蹬吾衰矣飄零歸去兮

梅村集十六

五言排律  
九

尊鱸三泖宅花鳥五湖堤着屐尋廬嶠張帆入剡  
溪江南春雨足把酒聽黃鸝

贈家園次湖州守五十韻

清切推華省風流擅廣陵俊從江左造賢比濟南  
徵經學三公薦文章兩府稱北門供奉吏西掖秘  
書丞月俸鴉翎鈔春衣鳳尾綾賜酺班上膳從獵  
賦奇鷹粉署勞偏著仙曹跡屢陞赤囊條每對黃  
紙詔親承乞外名都重分符寵命仍爭傳何水部  
新拜柳吳興城闕晨笳動旌旗瑞靄凝射堂青嶂



合訟閣絳霞蒸教出漁租減詩成紙價增笙歌前  
隊引賓客後車乘石戶樵輸粟銀塘女採菱水嬉  
鉤卷幔社飲鼓分珊急雨溪諠確斜陽岸曬罾宗  
盟高季札史局慨吳兢官退囊頻澀年侵鏡漸憎  
鹿皮朝擁卷松火夜挑燈舊業凋林薄殘身瘦石  
稜彈琴伐木澗荷鍾種瓜塍撥刺魚窺網偷晴曷  
避矧已耽畊稼隱幾受黨碑懲寥落依兄弟艱難  
仗友朋殷勤書一紙離別思千層逸爵斟佳醞綈  
袍製異繒蠶忙供杼軸茶熟裹絨膝族姓叨三謝

梅村集十六

五言排律  
十

詞場繼二應軟宜陪魯衛賦僅半鄒滕謙抑君胡  
過慚惶我曷勝長緘招鄭重短策跋飛騰好士公  
投轄尋山客擔簷竹溪春澹蕩梅隴雪陵憎孤館  
披襟坐危欄送目凭嵐光浮翠黛塔勢界金繩爲  
政崔元亮相逢皇甫曾蘭橈輕共載蠟屐響同登  
笛冷荒臺妓鐘沉廢寺僧趙碑娟露滴顏壁壯雲  
崩衰至容吾放狂來敢自矜雄談茗是戰良會酒  
如澠楚澤投劉表江樓謁庾水故交當路遍前席  
幾人曾妄把歡遊數癡將好夢憑懷人吟力健觀

物道心澄雅意通  
毫素閒愁托剡藤  
折花貽杜牧  
採菊寄王弘  
瑣屑陳篇蠹  
歛邪醉墨蠅  
非云聊以  
報舍此亦何能

賦得西隱寺古松

次葉詒菴韻  
贈陸翼王

誰將東海月掛在一株松  
偃蓋荒祠暗槎枿  
蘚石封寒生高士骨  
瘦入定僧容絕頂危  
巢鸛奔枝破壁龍盤根  
供客踞掃葉認仙蹤  
風寂吹常謾泉枯灑若  
淙性孤千尺傲材大  
百年慵葛相堪同臥秦  
皇耻再逢鹿芝香作  
供鶴草錦成茸影出  
層雲外

梅村集十六

五言排律  
十一

霜天落曉鐘

*[Faded bleed-through text from the reverse side of the page, including characters like 霜, 天, 落, 曉, 鐘, 梅, 村, 集, 十, 六, 五, 言, 排, 律, 十, 一]*



梅村集卷第十七

五言絕句

子夜詞

人采蓮子青妾采梧子黃  
置身宛轉中織小歡所  
嘗

其二

憶歡教儂書少小推無力  
別郎欲郎憐脩牋自雕  
飾

其三

梅村集十七

五言絕句

夜涼入空房侍婢待除裝  
枕前鈎不下知未解衣  
裳

子夜歌

歡是南山雲半作北山雨  
不比薰爐香纏綿入懷  
裏

其二

夜夜枕手眠笑脫黃金釧  
傾身畏君輕背轉流光  
面

其三

故使歡見儂儂道不相識曾記馬上郎挾彈門前立

其四

微笑佯牽伴低頭悞弄絃  
衆中誰賣眼又說是相憐

其五

雙纏五色縷與歡相連  
愛尚有宛轉絲織成合歡

帶

其六

梅村集十七

五言絕句

淺碧魚文纈輕紅杏子花  
比來粧束素加上木蘭紗

其七

儂如機上花春風吹不得  
剪刀太無賴斷我機中織

其八

紅羅複斗帳四角垂明珠  
明珠勝明月月落君躊

躑

其九



指冷玉簫寒袖長羅袂溼此夜坐匡床春風無氣力

其十  
夜色吹衣袂新聲出絳紗相逢更相認銀燭上鉛華

其十一  
舞罷私自憐腰肢日嫋嫋總角諸少年虧他只言好

其十二  
梅村集十七  
五言絕句

玉枕湘文簟金爐鳳腦烟君來只病酒辜負解香鈿

其十三  
出門風露寒歡言此路去妾夢亦隨君與歡添半臂

子夜歌  
代友人答閩妓

白玉絳羅圍枝頭荔子垂待儂親用手緩緩褪紅衣

其二

郎來索糖霜莫持與郎喫郎要口頭甜不如是嘗  
蜜

其三

榕樹叅天長郎栖在何處隨郎不見榕累儂望鄉  
樹

其四

綠葉吐紅苗紗窓月影高待郎郎不至落得美人  
蕉

其五

梅村集十七

五言絕句  
四

佛手慈悲樹相牽話生死爲郎數還期就中屈雙  
指

其六

橄欖兩頭纖終難一箇圓縱教皮肉盡腸肚自然  
堅

采石磯

石壁千尋險江流一矢爭曾聞飛將上落日弔開  
平

新翻子夜歌



歡今穿儂衣窄身添扣扣欲搔麻姑爪教軟作廣袖

其二

合香吐聖火碧縷生微烟知郎心腸熱口是金博山

其三

歡有領下貂與儂覆廣額脫儂頭上珠為歡嵌寶石

其四

梅村集十七

五言絕句

龍團語羊酪相逢土風異為歡手煎茶調和見歡意

南苑應制

營 熊館發雲旌春蒐告禮成東風吹紫陌千騎暮歸

讀漢武帝紀

仙 岱觀東迎日河源西問天晚來雄略盡巫蠱是神

讀光武紀

雷雨昆陽戰風雲赤伏符始知銅馬帝遠勝執金  
吾

蕭何  
蕭相營私第他年畏勢家豈知未央殿壯麗只棲  
鴉

偶見

合歡金縷帶蘇合寶香薰欲展湘文袴微微蕩画  
裾

其二

梅村集十七

五言絕句

背影立銀荷瓊肌映綺羅燭花紅淚滿遮莫爲心  
多

古意

歡似機中絲織作相思樹儂似衣上花春風吹不  
去

題画

亂瀑界蒼崖松風吹雨急石廊虛無人高寒不能  
立

六言絕句



偶成

南山不逢堯舜北窓自有羲皇智如樗里何用窮  
似黔婁不妨

其二

張良貌似女子李廣恂恂鄙人祖龍一擊幾中猿  
臂善射如神

其三

異錦文繒歌者黃金白璧蒼頭諸生唇腐齒落終  
歲華冠敝裘

梅村集十七

六言絕句  
七

其四

寶帳葳蕤雲漾象牀刻鏤花深破盡民間萬室遠  
踰禁物千金

其五

韓非傳同老子蘇侯坐配唐堯今古一丘之貉不  
知誰鳳誰梟

其六

雍齒且加封爵田橫可誓丹青願得毋忘堂阜相  
看寧識神亭

其七

織薄吹簫豐沛拍張狂  
叫風雲朝領白衣隊  
主暮稱黑稍將軍

其八

雅擅潘文樂旨妙參羊  
體嵇心画虎雕龍染翰高  
山流水彈琴

其九

東部督郵恣橫北門待  
詔窮愁莫舉賢良有道且  
求刀筆封侯

梅村集十七

六言絕句  
八

其十

食其長爲說客夷甫自謂談宗著書一篇雋永緩  
頰四座從容

其十一

趙壹恃才倨傲禰衡作達疎狂計吏恣睢卿相布  
衣笑罵侯王

其十二

厨下綠葵紫蓼盤中白柰黃柑冠櫛懶施高枕樵

蘇失甕清談



七言絕句一

汴梁

馮夷擊鼓走夷門銅馬西來風雨昏此地信陵曾  
養士只今誰解救王孫

其二

城上黃河屈注來千金堤帚一時開梁園遺跡銷  
沉盡誰與君王避吹臺

題歸玄恭僧服小像

豈是前身釋道安遇人不著鹿皮冠接羅漉酒科

梅村集十七

七言絕句九

頭坐只作先生醉裏看

好酒

其三

金粟山人道者裝玉山秋盡草堂荒劫灰重作江  
南夢一曲開元淚萬行

能詩 顧阿瑛號金粟道人著天寶遺事詩談庚申

君事

其四

共道淇園長異材風欺雪壓倩誰栽道人掃向維  
摩壁千尺蒼龍護講臺

兩竹

其四

中山絕技妙空羣，智永傳家在右軍。爲寫頭陀新  
寺額，筆鋒蒸出墨池雲。工書

戲贈

窄袖輕衫便洞房，何綏新作婦人裝。繡囊藥結同  
心扣，十里風來袴褶香。

其二

梅根冶後一庭幽，桃葉歌中兩槩留。管是夜深嬌  
不起，隔簾小婢喚梳頭。

其三

梅村集十七

七言絕句

香銷寶鴨月如霜，欲罷携蒲故拙行。倦倚局邊伴  
數子，暗擡星眼擲兒郎。

其四

仙家五老話驂鸞，素女圖經掌上看。如共玉喬舊  
相識，鍊方從乞息肌丸。

其五

玉釵仍整未銷黃，笑看見郎語太狂。翻道玉人心  
事懶，厭將雲雨待襄王。

其六



戒珠琥珀間沈檀弟子班中玉葉冠君是惠休身  
法喜他年叅學贊公壇

其七

蔬譜曾刪鮓議書一瓣鮮菜定何如玉織下筋無  
常味珍重虞公數十車

其八

懶梳雲髻罷蘭膏一幅羅巾紫玉縑不向弓彎問  
消息誤人詩句鄭櫻桃

其九

梅村集十七

七言絕句  
十一

內家紈扇縷金函萬壽花開青鳥銜贈比乘鸞秦  
氏女銀泥裙子鳳皇衫

其十

橫塘西去窈娘還画出吳山作楚山笑語阿戎休  
悵望莫愁艇子在溪灣

亂後過湖上山水盡矣感賦一絕

柳榭桃蹊事已空斷槎零落敗垣風莫嗟客鬢重  
游改恰有青山似鏡中

聽朱樂隆歌

少小江湖載酒船月明吹笛不知眠只今憔悴秋  
風裏白髮花前又十年

其二

一春絲管唱吳趨得似何戡此曲無自是風流推  
老輩不須教染白髭鬚

其三

開元法部按霓裳曾和巫山窈窕娘見說念奴今  
老大白頭供奉話岐王

其四

梅村集十七

七言絕句  
十二

誰畫張家靜婉腰輕綃一幅美人蕉會看記曲紅  
紅笑喚下丹青弄碧簫

其五

長白山頭蘆管聲秋風吹滿雒陽城茂陵底事無  
消息紗羅檀槽撥不成

其六

楚雨荆雲雁影還竹枝彈徹淚痕斑坐中誰是沾  
裳者詞客哀時瘦子山

觀棋

和錢牧齋先生



深院無人看劇棋三郎勝負玉環知  
康禍亂局君王笑一道哥舒布算遲

其二

小閣疎簾枕篔簹秋晝長無事爲忘憂  
西園近進脩宮價博進知難賭廣州

其三

閒向松窓覆舊圖當年國手未全無  
南風不競君知否扶眼胥門看入吳

其四

梅村集十七

七言絕句  
十三

碧殿春深賭翠鈿壽王游戲玉床前  
可憐一子難饒借殺却拋殘到那邊

其五

玄黃得失有誰憑上品還推國手能  
公道世人高下在圍棋中正柳吳興

其六

莫將絕藝向人誇新勢斜飛一角差  
局罷兒童閒數子不知勝負落誰家

題莊橙庵小像

錦里先生住錦涇百花潭水浣花亭子雲寂寞餘  
奇字抱膝空山著一經

其二

相如書信達郫筒入蜀還家意氣雄却憶故人天  
際遠罷官嚴助在吳中

其三

把卷無人意惘然故鄉雲樹夢魂邊遙知石鏡山  
頭影不及當時是少年

其四

梅村集十七

七言絕句  
十四

舊朝人地擅簪纓詞賦風流妙兩京盡道阿兄多  
貴重杜家中弟最知名

楚雲

楚雲字慶娘余以壬辰上巳爲朱子葵子  
葆子容兄弟招飲鶴洲同集則道開師沈  
孟陽張南垣父子妓有晚生者與慶娘同  
小字而楚雲最明慧可喜口占贈之

十二峰頭降玉真楚宮祓禊采蘭辰陳思枉自矜  
能賦不詠湘娥詠維神



補小其二  
白蘋江上送橫波擬唱湘山楚水歌却爲襄王催  
按曲故低統扇簇雙蛾

公子其三  
越羅衫子揉紅藍楚玉鸞雛鏤碧簪莫羨鴉頭羅  
襪好一鉤新月印湘潭

蘇表其四  
新篔下若酒頻傾楚澗相看別有情小戶漫紉還  
一笑衆中觥政自縱橫

梅村集十七  
七言絕句  
十五

其五  
風流太守綠莎廳近水天桃入画屏最是楚腰嬌  
絕處一雙鷓鴣起沙汀

其六  
范蠡湖邊春草長楚天歸去載夷光人間別有朱  
公子騎鶴吹笙是六郎

其七

画梁雙燕舞衣輕楚楚腰肢總削成記得錢塘兩  
蘇小不知誰箇擅傾城

命其八

廬山攜妓故人留白社流連謁惠休早為朝雲求  
半偈楚江明日上黃州

楚雲故姓  
陸雲間人

宣公橋畔響輕車二月相逢約玩花  
烏相着霜還繫馬停鞭重問泰娘家

其二

家住橫塘小院東門前流水碧簾櫳  
五茸城外新移到傲殺機雲女侍中

梅村集十七 七言絕句  
十六

其三

月夜分攜幾度圓語溪芳草隔雲烟  
那知閨闔千條柳拋撇東風又一年

其四

挾彈城南控紫騮葳蕤春鎖玉人留  
花邊別有秦宮活不數人間有秬侯

虞美人

咸陽宮闕早成塵莫聽歌聲涕淚頻  
若遇戚姬悲薄命幸無如意勝夫人



過魚山曹植墓

小穀城西子建祠  
魚山刻石省躬詩  
君家兄弟空搖落  
惆悵秋墳采豆枝

其二

鄴臺坐法公車令  
蓄郡憂讒謁者書  
天使武皇全愛子  
黃初先已屬蒼舒

其三

少有高名隱富春  
南陽游學爲亡新  
高皇舊識屠沽輩  
何似原陵有故人

梅村集十七

七言絕句  
十七

贈妓郎圓

輕靴窄袖柘枝裝  
舞罷斜身倚玉床  
認得是儂偏問姓  
笑儂花底喚諸郎

偶成

好把蛾眉鬪遠山  
鈿蟬金鳳綠雲鬟  
画堤無隄垂垂柳  
輪與樓頭謝阿蠻

其二

海棠花發兩三枝  
燕子呢喃春雨時  
恰似闌干嬌欲醉  
當年人說杜紅兒

人感舊

赤欄橋護上陽花翠羽離籠語絳紗  
美殺江州白司馬月明亭畔聽琵琶

贈陳贈寇白門

白門故保國朱公所畜姬也保國北行白  
門其門被放仍返南中秦淮相遇殊有淪落之  
感

南內無人吹洞簫莫愁湖畔馬蹄躑殿前伐盡靈  
和柳誰與蕭娘鬪舞腰

梅村集十七

七言絕句  
十八

其二

朱公轉徙致千金一舸西施計自深  
今日祇因勾踐死難將紅粉結同心

其三

同時姊妹入奚官桐酒黃羊去住難  
細馬馱來紗罩眼鱸魚時節到長干

其四

重點盧家薄薄粧夜深羞過大功坊  
中山內宴香車入寶髻雲鬟列幾行



其五

曾見通侯退直遲縣官今日選蛾眉窈娘何處雷  
塘火漂泊楊家有雪兒

其六

舊官門外落花飛俠少同游並馬歸此地故人騶  
唱入沉香火暖護朝衣

題殷陟明仙夢圖

蕉團桐笠御風行夢裏相逢話赤城自是前身殷  
七七今生贏得是詩名

梅村集十七

七言絕句  
十九

下相極樂庵讀同年北使時詩卷

蘭若停驂灑墨成過河持節事分明上林飛雁無  
還表頭白山僧話子卿

下相懷古詩卷

戲馬臺前拜魯公興王何必定關中故人子弟多  
豪傑弗及封侯呂馬童

賦火過昌國

樂生去國罷登壇長念昭王知已難流涕伐燕辭  
趙將忍教老死在邯鄲

任丘

回首鄉關亂客愁滿身風雪宿任丘忽聞石調邊  
見曲不作征人也淚流

臨清大雪

白頭風雪上長安裋褐疲驢帽帶寬辜負故園梅  
樹好南枝開放北枝寒

阻雪

關山雖勝路難堪纔上征鞍又解驂十丈黃塵千  
尺雪可知俱不似江南

梅村集十七

七言絕句  
二十

送王玄照還山

王善書西弁州先生曾孫  
偶來京師舊廉州太守也

青山補屋愛流泉画裏移家就輞川添得一舟乘  
興上烟波隨處小游仙

其二

始興公子舊諸侯丹荔紅蕉嶺外游席帽京塵渾  
忘却被人強喚作廉州

其三

報國松根廟市開公侯車馬鬪如雷疲驢一笑且  
歸去刑部衙前曾看來

刑部衙舊廟  
市開處也



其四

內府圖書不計錢漢家珠玉散雲烟而今零落無  
收處故國興亡已十年

其五

布衣懶自入侯門手跡流傳姓氏存聞道相公談  
翰墨向人欲訪趙王孫

其六

朔風歸思滿蕭關筆墨荒寒點染間何似大癡三  
丈卷萬松殘雪富春山

梅村集十七

七言絕句  
二十一

其七

河北三公一紙書浪游何處曳長裾歸田舊業春  
山盡華子岡頭自釣魚

其八

五馬南來韋使君故人相見共論文酒闌面乞黃  
堂俸明日西山買白雲

其九

授金瀨畔敢安居覆楚奔吳數上書手把屬鏤思  
往事九原歸去遇包胥

偶見

新更梳裏簇雙蛾  
率地長衣抹錦靴  
總把珍珠渾裝却  
奈他明鏡淚痕多

其二

惜解雙纏只爲君  
豐趺羞澀出羅裙  
可憐鴉色新盤髻  
抹作巫山兩道雲

題帖

孝經圖像畫來工  
字格森嚴自魯公  
第一丹青天

子孝累朝家法賜東宮

禁本有孝經圖周昉畫顏魯公書  
神廟時曾發內

梅村集十七

七言絕句  
二十二

閣重祿今在吏部侍郎孫公處

其二

金元圖籍到如今  
半自宣和出禁林  
封記中山王

印在一般烽火竟銷沉

甲申後質慎庫圖書百萬卷皆宣和所藏金自汴梁

輦入燕者歷元及明初無恙徐中山下大都時封記尚在今皆散失不存

南苑應制

綠楊春繞栢梁臺  
羽蓋梢雲甲帳開  
知是至尊

親講武日邊萬馬射生來

題石田画芭蕉



一葉芳心任卷舒客愁鄉夢待何如平生枉用藤  
溪紙綠玉窓前好寫書

不妨脩竹共植藥長對蕭蕭夜雨寒却笑休文強  
多事後人仍作畫圖看

欲買溪山不用錢倦來高枕白雲邊吾生此外無  
他願飲谷棲丘二十年

無為州雙烈詩為嘉定學博沈陶軒賦

梅村集十七七言絕句

濡須城下起干戈二女芳魂葬汨羅安得米顛書  
大字井邊刻石比曹娥

烟雨扁舟放五湖自甘生計老菰蒲誰將白馬西  
臺客寫作青牛道士圖

小世題鈎隱圖贈陳鴻文

綠波春水釣魚槎縮項雙鯪付酒家忘却承明曾  
待詔武陵溪上醉桃花

梅村集卷第十七終

梅村集卷第十八

七言絕句二

讀史偶述

射得紅毛兔似拳乳茶桐酒閣門前相公堂饌銀  
盤美熊白烹來正割鮮

其二

雪消春水積成渠芻蕘如山道不除怪殺六街騶  
唱少只令驄馬避柴車

其三

梅村集十八

七言絕句

新更小篆譯蟲魚乙夜橫經在玉除訝道年來親  
政好近前一卷是尚書

其四

直廬西近御書房插架牙籤舊錦囊燕寢不須籠  
鳳飾天然臺几曲迴廊

其五

閣門春帖點霜毫玉尺量身賜錦袍聞道尚方裁  
製巧路人爭擁看枚臯

其六



龍媒剪拂上華茵嚴助丹青拜詔新莫向天開誇  
絕伎白頭韓幹竟何人

其七

新張錦幄間垂楊四角觚稜八寶裝藉地煖茵跌  
坐軟茸茸春草是留香

其八

騰黃赭白總追風八匹牽來禁苑中毛骨不殊聲  
價好但看騎上卽神龍

其九

梅村集十八

七言絕句

側坐翻身馬上輕官家絕技羽林驚左枝忽發鳴  
髀箭仰視浮雲笑絕纓

其十

柳陰觀射試期門撥去胡床踞樹根徙倚日斜纔  
御輦天邊草木亦承恩

其十一

新語初成左右驚一言萬歲盡歡聲多應絳灌交  
歡久馬上先行薦陸生

其十二

松林路轉御河行寂寂空垣宿鳥驚七載金滕歸  
掌幄百僚車馬會南城

其十三

西洋館宇逼城陰巧曆通玄妙匠心異物每邀天  
一笑自鳴鐘應自鳴琴

其十四

迴龍觀裏海棠開禁地無人閉綠苔一自便門馳  
道啓穿宮走馬看花來

其十五

梅村集十八 七言絕句

宜鑪厥盒內香燒禁府圖書洞府簫故國滿前君  
莫問淒涼酒盞鬪成窰

其十六

布棚攤子滿前門舊物官窰無一存王府近來新  
發出剔紅香盒豆青盆

其十七

大將祁連起北却黃腸不慮發丘郎平生賜物都  
燔盡千里名駒衣火光

其十八



琉璃舊殿虎房西月斧修成五色泥  
遍插御花安鳳吻絳繩扶上廣寒梯

其十九

金魚池上定新巢楊柳青青已放梢  
幾度平津高閣上泰壇春望記南郊

其二十

紛紛茗酪鬪如何點就茶經定不磨  
移得江南來禁地廻籠小盞潑松蘿

其二十一

梅村集十八

七言絕句四

夜半齋壇唱步虛玉皇新築絳霄居  
吹笙盡是黃門侶別勅西清註道書

其二十二

蘭池落日馬蹄驚魚服揮鞭過柳城  
十萬羽林空夜直無人攬轡諫微行

其二十三

七寶琉璃影百層淪漪月色漾寒氷  
詞臣主客詩圖進御帖親題萬壽燈

其二十四

玉砌流泉繞碧渠  
晚涼紈扇軟金輿  
采蓮艤子江南弄  
太液池頭看打魚

其二十五  
龍文小印大如錢  
別署齋名自記年  
画就烟雲填寶篆  
欲將金粉護山川

其三十六  
渭園千里送笄簪  
嫩籜青青道正長  
夜半火來知走馬  
尚方藥物待新篁

其二十七  
梅村集十八

七言絕句  
五

新設椒園內道場  
雲堂齋供自焚香  
大官別有伊蒲饌  
親割鸞刀奉法王

其三十八  
直廬起草擅能文  
被詔含毫寫右軍  
賜出黃驄銀鑿落  
天街徐踏墨池雲

其三十九  
霜落期門喚打圍  
海青帽煖去如飛  
鴛鴦信至纔游幸  
不比和林避暑歸

其三十



鷓鴣錦袋出懷中玉粒交爭花毯紅何似平章荒  
葛嶺諸姬蟋蟀鬪金籠

其三十一

綠翹聰慧換新雉比翼丹山小鳳皇巧舌能言金  
鎖愛賜緋妬殺雪衣娘

其三十二

廣南異物進駝雞錦背雙峰一寸齊只道紫駝來  
絕塞雞林原在大荒西

雞高三尺花冠翠羽背有雙峯似駝之肉鞍也

題沙海客画達摩面壁圖

梅村集十八

七言絕句六

松風拂拂水泠泠叅得維摩止觀經從此西來真  
實義掃除文字重丹青

題二禽圖

舊巢雖去主人空剪雨捎風自在中却笑雪衣食  
玉粒羽毛憔悴閉雕籠

詠柳

贈柳雪生

走馬章臺酒半醒遠山眉黛自青青輸他張緒誇  
年少柳宿傍邊占小星

柳星張三宿同度

其二

五盈盈擅舞腰無言欲語不能描武昌二月新

栽柳破得工夫鬪小喬特有喬姬亦擅名

白休其三

萬條拂面惹行塵選就輕盈御柳新枉自穆生空

設醴可憐青眼屬誰人穆君初與雲遇為画眉人所奪

此去其四

玉笛聲聲喚奈何柳花和淚落誰多灞橋折贈頻

回首惆悵崔郎一曲歌崔郎主人歌童也

送友人出塞吳茲受松陵人

梅村集十八七言絕句

魚海蕭條萬里霜西風一哭斷人腸勸君休望令

支塞木葉山頭是故鄉

王詩其二

此去流人路幾千長虹亭外草連天不知黑水西

風雪可有江南問渡船

萬劫雜題

白袷春衣繫隱囊少年吹笛事寧王武昌老者如

相問翻得伊州曲幾行

正靈巖山寺放生維



芥羽狸膏早擅場爭雄身屬鬪雞坊從今喚醒夫  
差夢粉蝶低飛過講堂

其二

縛柵開籠敢自專雲中誰許作神仙如來爲放金  
雞赦飲啄浮生又幾年

其三

敢效山雞惜羽毛卑栖風雨自三號湯泉夜半蓮  
花湧佛號鐘聲日未高

其四

梅村集十八

七言絕句

雞足峰頭夜雨青花冠錦臆影亭亭老莊談罷疎  
窓冷閒向山僧學聽經

口占贈蘇崑生

樓船諸將碧油幢一片降旗出九江獨有龜年臥  
吹笛暗潮打枕泣篷窓

其二

有客新經墮淚碑武昌官柳故垂垂扁舟夜半聞  
蘆管猶把當年水調吹

其三

西興哀曲夜深聞絕似南朝汪水雲回首岳侯墳  
下路亂山何處葬將軍

其四

故國傷心在寢丘蒜山北望淚交流饒它劉毅思

鵝炙不比君今憶蔡州

蘇生固始人卽楚相寢丘也

彈罷薰絃有感

彈罷薰絃便薤歌南巡翻似爲湘娥當時早命雲

中駕誰哭蒼梧淚點多

其二

梅村集十八

七言絕句九

重壁臺前八駿蹄歌殘黃竹日輪西君王縱有長  
生術忍向瑤池不並棲

其三

昭陽甲帳影嬋娟慚愧恩深未敢前催道漢皇天

上好從容恐殺李延年

李延年李延年

其四

茂陵芳草惜羅裙青鳥殷勤日暮雲從此相如羞

薄倖錦衾長守卓文君

其五



玉靴輕弓月樣開六宮走動射鵬才黃山院裏長  
生鹿曾駕昭儀翠輦來

其六

爲掣瓊窓九子鈴君王晨起婕妤醒長楊獵罷離  
宮開放去天邊玉海青

其七

上林花落在芳尊不死鉛華只死恩金屋有人空  
老大任他無事拭啼痕

其八

梅村集十八

七言絕句

銅雀空施六尺床玉魚銀海自茫茫不如先拂西  
陵枕扶下君王到便房

爲楊仲延題画册

歷陽山下訪潛夫指點雲峰入画图爲讀劉郎廳  
壁記過江烟雨作姑蘇

偶得

莫爲高貴畏告緡百金中產未全貧只因程鄭吹  
求盡却把黔婁作富人

其二

家居柳市匿亡逃，輕俠爲生舊鼓刀。  
一自赤車收趙李，探丸無復五陵豪。

其三

金城少主欲還家，油犢車輕御苑花。  
望斷龍堆無雁字，黑河秋雨弄琵琶。

題画

澤潞千山遠，訟堂江程到日海。  
城荒王郎妙手驅名勝，廳壁雲生見太行。

其二

梅村集十八

七言絕句

八詠樓頭翠萬重，使君家傍洞門松。  
不知尺許蒼茫裏，誰是雙溪第一峰。

其三

臺池蕭瑟故園秋，庾嶺朱輪感昔游。  
文采尚存先業廢，紙窓風雨寫滄洲。

其四

太守囊帷賣画錢，琴書長在釣魚船。  
長官近欲知名姓，築屋江村擬種田。

夜游虎丘

次顧西嶽侍御韻

玉簪並仄一自流，直欲



試劔石

石破天驚出匣時中宵氣共斗牛期魚腸葬後應  
飛去神物沉埋未足奇

王珣故宅

捨宅風流尚可追王郎別墅幾人知卽今誰令桓  
公喜正是山花欲笑時

千人石

碧樹朱欄白足僧相攜劉尹與張憑廣場月出食  
趺坐天牛風搖講院燈

梅村集十八

七言絕句  
十一

顏書石刻

魯公戈法勝吳鉤決石錐沙莫與儔火照斷碑山  
鬼出劔潭月落影悠悠

劔池

百尺靈湫風雨氣星星照出魚腸字轆轤夜半語  
空中無人解識興亡意

可中亭

白石叅來共此心一亭矯立碧潭深松間微月窺  
人澹似識高賢屐齒臨

築居縹緲比良常有客逢僧話石廊仙佛共叅唯  
此石白蓮花發定中香

後山月黑不見  
西燭燒來入翠微更邀微月映清輝欲窮千里登  
臨眼笑約重游興不違

戲題士女圖

一舸

霸越亡吳計已行論功何物賞傾城西施亦有弓

梅村集十八

七言絕句  
十三

藏懼不獨鴟夷變姓名

虞兮

千夫辟易楚重瞳仁謹居然百戰中博得美人心  
肯死項王此處是英雄

出塞

玉關秋盡雁連天磧裏明駝路幾千夜半李陵臺

上月可能還似漢宮圓

歸國

董逃歌罷故園空腸斷悲笳付朔風贖得蛾眉知



舊事好修佳傳報曹公

當壚

四壁蕭條酒數升  
錦江新釀玉壺冰  
莫教詞賦逢人買  
愁把黃金聘茂陵

墮樓

金谷粧成愛細腰  
避風臺上五銖嬌  
身輕好向君前死  
一樹穠花到地消

奔拂

歌舞侯門一見難  
侍兒何得脫長安  
樂昌破鏡翻

梅村集十八

七言絕句  
十四

新唱換取楊公作舊官

盜綃

令公高戟妓堂開  
黃耳金鈴護綠苔  
博浪功成倉海使  
緣何輕爲美人來

取盒

銅雀高懸漳水流  
月明飛去女詔謀  
何因不取田郎首  
報與官家下魏州

夢鞋

玉釵敲斷紫鸞蹤  
消息聲華滿帝都  
能致黃衫偏

薄倖死生那得放狂夫

驪宮

天上人間恨豈消雙星魂斷碧雲翹成都亦有支  
機石烏鵲難填萬里橋

蒲東

背解羅襦避月明  
昨涼天氣爲多情  
紅娘欲去喚  
鐘動扶起玉人釵半橫

題寒香勁節圖壽袁重其節母八十

東籬漉酒泛芳樽  
處士傳家湛母恩  
傲盡霜花長

梅村集十八

七言絕句  
十五

不落籜龍風雨夜生孫

烏棲曲

沉香爲笮錦爲牽  
白玉池塘翡翠船  
芙蓉翻水鴛

鴦浴盧郎今夜船  
中宿

讀陳其年邗江白下新詞

漫寫新詞付管絃  
臨春奏妓已何年  
笑它狎客無  
才思破費君王十萬箋

其二

鈿鼓珠簾燕子忙  
宮人斜畔酒徒狂  
阿廢枉奏平



陳曲水調風流屬窈娘

其三

落日青溪載酒時  
靈和垂柳自絲絲  
沈郎莫作齊宮怨  
唱殺南朝老妓師

其四

冶習春來興未除  
豔情還作過江書  
長頭大鼻陳驚坐  
白袷諸郎總不如

題思翁做趙承旨筆

余山雲接弁山遙  
蒼霄扁舟景色饒  
羨殺當時兩

梅村集十八

七言絕句  
十六

文敏一般殘墨画金焦

李青城七十有六  
以自壽詩積閏平分已  
蒼年之句索和余題一絕贈之

詞家老宿號山農  
移得青城八九峰  
細數餘分添甲子  
黃楊千歲敵喬松

偶成

關河蕭索暮雲酣  
流落鄉心太不堪  
書劒尚存君且住  
世間何物是江南

題冒辟疆名姬董白小像

并引

夫笛步麗人出賣珠之女弟雉臯公子類  
其側帽之叅軍名士傾城相逢未嫁人諧燕  
山長日婉時遇漂搖則有白下權家蕪城亂帥阮  
紅紅燕佃夫刑章置獄高無賴爭地稱兵奔迸流  
其離纏綿疾苦支持藥裹慰勞羈愁苟君家  
免乎勿復相顧寧吾身死耳遑恤其勞已  
矣夙心終焉薄命名留琬琰寄丹青嗚  
呼鍼神繡罷寫春蚓於烏絲茶癖香來滴  
秋花之紅露在軼事之流傳若此奈餘哀  
之惻愴如何鏡掩鸞空絃摧雁冷因君長  
恨發我短歌詒以八章聊當一慨爾

梅村集十八

七言絕句  
十七

射雉山頭一笑年相思千里草芊芊偷將樂府窺  
名姓親擊雲璈第幾仙

其二

珍珠無價玉無瑕小字貪看問妾家尋到白隄呼  
出見月明殘雪映梅花

余向贈詩有今年明月長  
洲白之句白隄卽其家也

其三

鈿轂春郊鬪画裙捲簾都道不如君白門移得絲



絲柳黃海歸來步步雲

其四

京江話舊木蘭舟憶得郎來繫紫騮殘酒未醒驚  
睡起曲闌無語笑凝眸

其五

青絲濯濯額黃懸巧樣新粧恰自然入手三盤幾  
梳掠便攜明鏡出花前

其六

念家山破定風波郎按新詞妾唱歌恨殺南朝阮

梅村集十八

七言絕句  
十八

司馬累儂夫婿病愁多

其七

亂梳雲髻下粧樓盡室倉黃過渡頭鈿合金釵渾  
拋却高家兵馬在揚州

其八

江城細雨碧桃村寒食東風杜宇魂欲弔薛濤憐  
夢斷墓門深更阻侯門

又題董君画扇

過江書索扇頭詩簡得遺香起夢思金鎖溫來衣

疊損空箱須記自開時

其二

湘君浥淚染琅玕骨細輕勻二八年半折秋風還  
入袖任它明月自團圓

古意

爭傳婺女嫁天孫纔過銀河拭淚痕但得大家千  
萬歲此生那得恨長門

其二

荳蔻梢頭二月紅十三初入萬年宮可憐同望西

梅村集十八 七言絕句  
十九

陵哭不在分香賣履中

其三

從獵陳倉怯馬蹄玉鞍扶上却東西一經輦道生  
秋草說着長楊路總迷

其四

玉顏憔悴幾經秋薄命無言祇淚流手把定情金  
合子九原相見尚低頭

其五

銀海居然妒女津南山仍錮愼夫人君王自有他



生約此去惟應禮玉真

其六

珍珠十斛買琵琶金谷堂深護絳紗掌上珊瑚憐  
不得却教移作上陽花

做唐人本事詩

聘就蛾眉未入宮待年長罷主恩空旌旗月落松  
楸冷身在昭陵宿衛中

其二

錦袍珠絡翠兜鍪軍府居然王子侯自寫赫蹏金

梅村集十八

七言絕句  
二十

字表起居長信閣門頭

其三

藤梧秋盡瘴雲黃銅鼓天邊歸旆長遠愧木蘭身  
手健替耶征戰在他鄉

其四

新來夫婿奏兼官下直更衣禮數寬昨日校旗初  
下令笑君不敢舉頭看

題錢忞谷画蘭

為袁重  
其祿祝

謝家燕子鬱金堂玉樹東風遶砌長帶得宜男春

鬪草衆中推讓杜蘭香

其二

北堂萱草戀王孫膝下含飴阿母恩錯認清郎貪  
卧雪生兒強比魏蘭根

題王石谷画

綠樹參差倚碧天波光瀲灩尚湖船烟巒自遶王  
維聖不必重叅画裏禪

其二

初冬景物未蕭條紅葉青山色尚嬌一幅天然圖

梅村集十八 七言絕句

画裏維摩僧寺破山橋



梅村集卷第十九

詩餘一

小令  
中調

望江南

江南好聚石更穿池水檻玲瓏簾幕隱杉齋精麗  
繚垣低木榻紙窓西

又

江南好翠翰木蘭舟窄袖袂衣持檝女短簫惡鼓  
采菱謳逆槳打潮頭

又

梅村集十九

詩餘

江南好博古舊家風宣廟乳爐三代上元人手卷  
四家中厥盒鬪雞鍾

又

江南好蘭蕙伏盆芽茉莉縷藏新茗椀木瓜香透  
小窓紗換水膽瓶花

又

江南好五色錦鱗肥反舌巧偷紅嘴慧画眉羞傍  
白頭栖翡翠逐金衣

又

江南好蒲博擅縱橫紅鶴八番金葉子玄盧五木  
玉楸枰擲采坐人傾

江南好茶館客分棚走馬布簾開瓦肆博羊餒鼓  
賣山亭傀儡弄參軍

江南好皓月石場歌一曲輕圓同伴少十反麤細  
聽人多絃索應雲籬

又

梅村集十九

詩餘

江南好黃爵紫車螯雞隴下豉澆苦酒魚羹加芼  
擣丹椒小吃砌宣窰

江南好櫻筍薦春羞梅豆漸黃探鶴頂芡盤初軟  
剝雞頭橘柚洞庭秋

又

江南好機杼奪天工孔翠裝花雲錦爛水蠶吐鳳  
霧綃空新樣小團龍

又



江南好獅子法王宮白足禪僧爭坐位黑衣宰相  
話遭逢拂子塞虛空

又

江南好開掃鬪新粧鴉色三盤安鈿翠雲鬟一尺  
壓蛾黃花讓牡丹王

又

江南好艷飾綺羅仙百襴細裙金線柳半裝高屐  
玉臺蓮故故立風前

又

梅村集十九

詩餘三

江南好繡帥出鍼神霧髻湘君波窈窕雲幃大士  
月空明刻畫類天成

又

江南好巧技棘爲猴髹漆湘筠香墊几斂金螺鈿  
酒承舟斂鏤匠心搜

又

江南好狎客阿儂喬趙鬼揶揄工調笑郭尖儂巧  
善詼嘲幡綽小兒曹

又

江南好舊曲話湘蘭薛素彈丸豪士戲王微書卷  
道人看一樹柳摧殘

如夢令

鎮日鶯愁燕懶徧地落紅誰管睡起薰沉香小飲  
碧螺春盃簾捲簾捲一任柳絲風軟

又

誤信鵲聲枝上幾度樓頭西望薄倖不歸來愁殺  
石城風浪無恙無恙牢記別時模樣

又

梅村集十九

詩餘四

小閣焚香閒坐搃搃紙窓風破女伴有誰來管領  
春愁一箇無那無那斜壓翠衾還臥

又

烟鎖画橋人病燕子玉關歸信報道負情儂屈指  
還家春盡休聽休聽又是海棠開近

生查子

青鎖隔紅墻撇下韓嫣彈花底玉驄嘶立在垂楊  
岸纖指弄東風飛出銀箏雁寄語画樓人留得

春光半



又

香暖合歡襦花落雙文枕嬌身出房櫳人在梧桐  
井小院賭紅牙輸却蒲桃錦學寫貝多經自屑  
泥金粉

又

旅思

一尺過江山萬點長淮樹石上水潺潺流入清谿  
去六月北風寒落葉無朝暮度樾與穿雲林黑  
行人顧

點絳唇

焦園

梅村集十九

詩餘五

細骨珊珊指尖拂處嬌絃語着水撩人點點飛來  
雨人撲罷流螢帳底輕風舉眠無主誤粘玉體印  
得紅絲縷

浣溪沙

斷頰微紅眼半醒背人幕地下堦行摘花高處賭  
身輕細撥薰爐香繚繞嫩塗吟紙墨歌傾慣猜  
閒事爲聰明

又

一斛明珠孔雀羅湘裙窄地錦文鞞紅兒進酒雪

兒歌石黛有情新月皎玉簪無力暖雲拖見人  
先唱定風波

菩薩蠻

江天漠漠寒雲白長橋客醉閒吹笛沙嘴秋花秋  
垂蘿拂釣舟危峰欹半倚仄徑蒼苔屐欲上最  
高亭遠山無數橫

減字木蘭花

題画

藤谿竹路鳥道無人雲獨過鹿柵猿栖布襪青鞋  
客杖藜江頭尺鯉展罷生綃天欲雨記得曾遊

梅村集十九

詩餘  
六

古木包山五月秋

醜奴兒令

落紅已拂雕闌近入手枝低莫肯高飛費盡東風  
着力吹分明燕子啣來到因甚差池墜在污泥  
惹動游絲不自知

又

溪橋雨過看新漲高柳鳴蟬荷葉田田指點兒童  
放鴨船前村濁酒沽來醉今夜涼天明月初圓  
一枕西窓自在眠



又

低頭一霎風光變多大心腸沒處參詳做箇生疎  
故試郎何須抵死推儂去後約何妨却費商量  
難得今宵是乍涼

清平樂

題雪景

江山一派換出瓊瑤界凍合灘舟因訪戴沽酒南  
村誰賣草堂風雪雙扉画圖此景依稀再補吾  
廬佳處露橋一笠僧歸

浪淘沙

題画蘭

梅村集十九

詩餘七

枉自苦凝眸腸斷歸舟依然明月舊南樓報道孫  
郎消息好楊柳風流花意落銀鈎一寸輕柔生  
綉不剪少年愁看取幽蘭啼露眼心上眉頭

又端午

纏臂絲絲繩妙手心靈真珠嵌就一星星五色疊  
成方勝小巧樣丹青刻玉與裁冰眼見何曾葫  
蘆如豆虎如蠅旁繫纍絲銀扇子半黍金鈴

又枇杷

上苑落金丸黃鳥綿蠻曉窓清露濕雕盤恰似戒

珠三百顆琥珀沉檀 纖手摘來看香色堪餐羅  
衣將褪玉漿寒怕共脆圓同薦酒學得些酸

柳梢青

紅粉墻高風吹嫩柳露濕天桃扇薄身輕香多夢  
弱腸斷吹簫 誰能一見相拋動人處詩成彩毫  
帳底星眸窓前皓腕又是明朝

西江月

靈巖聽法

昔日君王舞榭而今般若經臺千年霸業總成灰  
只有白雲無礙 看取庭前柏樹那些石上青苔

梅村集十九

詩餘八

殘山廢塔講堂開明月松間長在

又 詠別

烏鵲橋頭夜話櫻桃花下春愁廉纖細雨綠楊舟  
画閣玉人垂手 紅袖盈盈粉淚青山剪剪明眸  
今宵好夢倩誰收一枕別時殘酒

又

詠雪塑僧伽像

透出光明眼耳忍來冰雪心腸坐時兩手且收藏  
捏弄兒童無狀 着體生成冷絮開門自在齋糧  
大千世界儘銀裝到得來朝一樣



南柯子

涼枕

頰印紅多暈釵橫響易尋美人一覺在花陰怕是  
耳珠鈎住鬢雲侵有分投湘簾無緣伴錦衾眼  
多啣溜爲知音受盡兩頭牽繫像人心

又竹夫人

玉骨香無汗從教換兩頭受人顛倒被人勾只是  
更無腸肚便風流嬌小通身滑玲瓏滿眼愁有  
些情性欠溫柔怕的一時拋擲在深秋

鵲橋仙

梅村集十九

詩餘九

園林晚霽池塘新漲明月窺人縹緲萬木陰森穿  
影過鶯噪起一羣山鳥織雲暗度銀河斜轉露  
濕桂花香悄少年此夜不須眠把鐵笛橫吹到曉

南鄉子

新洛

皓腕約金環艷質生香浸玉盤曲曲屏山燈近遠  
偷看一樹梨花露未乾扶起骨珊珊裙衩風來  
怯是單背立梧桐貪避影更闌月轉迴廊半臂寒

又春衣

玉尺剪裁工鬪色衣衫巧樣縫深淺配來纖手綻

重重蒲紫蒲青雅澹中  
斜領叩金蟲透肉生香  
寶袂鬆茜袖半垂鴉襪淺從容百折羅裙細細風

又牡丹  
頭

高聳翠雲寒時世新粧喚牡丹豈是玉樓春宴罷  
金盤頭上花枝鬪合歡  
着意画烟鬟用盡玄都  
墨幾丸不信洛陽千萬種爭看魏紫姚黃總一般

臨江仙

逢舊

落拓江湖常載酒十年重見雲英依然綽約掌中  
輕燈前纔一笑偷解研羅裙  
薄倖蕭郎憔悴甚

梅村集十九

詩餘

此生終負卿卿姑蘇城外月黃昏綠窓人去住紅  
粉淚縱橫

又

過嘉定感  
懷侯研德

苦竹編籬茅覆瓦海田久廢重耕相逢還說廿年  
兵寒潮衝戰骨野火起空城  
門戶凋殘賓客在  
淒涼詩酒侯生西風又起不勝情一篇思舊賦故

國與浮名

醉春風

春思

門外青驄騎山外斜陽樹蕭郎何事苦思歸去去



去燕子無情落花多恨一天憔悴私語牽衣淚  
醉眼悵人覷今宵微雨怯春愁住住笑整鬢余  
重添香獸別離還未

又

眼底桃花媚羅襪鈎人處四肢紅玉軟無言醉醉  
醉小閣迴廊玉壺茶暖水沉香細重整蘭膏膩  
偷解羅襦繫知心侍女下簾鈎睡睡皓腕頻移  
雲鬟低擁羞眸斜睇

江城子

風蒼

梅村集十九

詩餘  
十一

柳花風惡賽清明小兒擎走傾城一紙身軀便欲  
上天行千丈游絲收不住纔跌地倏無聲憑誰  
弄再飛鳴御風輕幾人驚江南二月聽呼鷹趙  
瑟秦箏天外響彈不盡海東青

千秋歲

題袁重其侍  
母弄孫圖

吳中佳士獨有袁絲耳營筆墨供甘旨但期慈母  
笑敢告吾勞矣願只願年年進酒春風裏少婦  
晨粧起抱得佳兒侍珠一顆駒千里石麟天上送  
蠟鳳階前戲回首道待看兒長還如此

風入松

題和州守楊仲延所寄鷹阿山人戴君画

長松落落蔭南岡亂山橫砌銀塘梅花消息經年  
夢慢支頤老屋繩床棐几風吹散帙紙窓雨洗疎  
篁丹青點染出微茫妙手過倪黃寒雲流水閒  
憑弔誰能認當利橫江翰墨幽人小戴文章太守

歐陽

紅林擒近

春思

龜甲屏還掩博山香未焦鸚鵡煖猶睡曉鶯上花  
梢醒來擡身半晌細雨濕夢無聊女伴戲問春宵

梅村集十九

詩餘

笑頰暈紅潮黛眉新月偃羅襪小蓮初更衣攏  
髻背人自折櫻桃怨玉郎起早日長倦繡小樓花  
落吹洞簫

金人捧露盤

觀演珠陵春

記當年曾供奉舊霓裳嘆茂陵遺事淒涼酒旗戲  
鼓買花簪帽一春狂綠楊池館逢高會身在他鄉  
喜新詞初填就無限恨斷人腸爲知音仔細思  
量偷聲減字画堂高燭弄絲簧夜深風月催檀板

顧曲周郎



柳初新 闋思

画欄深鎖鴛鴦暖照素影花枝軟綠雲斜暉寶釵  
欲墜倦起日高猶嬾嗔道是風簾捲半擡身慵開  
嬌眼 閣外青山點點問平疇綠蕪誰慘玉驄嘶  
去欲窺還避肩倚侍鬟微掩凝望處雙眉斂似不  
禁燕拘鶯管

梅村集十九

詩餘  
十三

梅村集卷第二十

詩餘二 長調

意難忘 山家

村塢雲遮有蒼藤老幹翠竹明沙溪堂連石穩苔  
徑逐籬斜文木几小窓紗是好事人家啓北扉移  
床待客百樹梅花 衰翁健飯堪誇把瘦尊茗椀  
高話桑麻穿池還種柳汲水自澆瓜霜後橘雨前  
茶這風味清佳喜去年山田大熟爛熳生涯

滿江紅

題西壽總憲龔芝麓

梅村集二十一

詩餘

楚尾吳頭僅斗大孤城山縣正遇着青絲白馬西  
風傳箭歸去秦淮花月好召登省閣江山換更風  
波黨籍總尋常思量遍 文史富才名擅交與盛  
聲華健正三公開府張燈高宴綠鬢功名杯在手  
青山景物圖中見待他年揀取碧雲峰歸來羨

又

白門感舊

松栝凌寒掛鍾阜玉龍千尺記那日永嘉南渡蔣  
陵蕭瑟羣帝翱翔騎白鳳江山縞素觚稜碧躡麻  
鞋血淚灑水天新亭客 雲霧鎖臺城戟風雨送



昭丘柏把梁園宋寢燒殘赤壁破衲重游山寺冷  
天邊萬點神鴉黑羨漁翁沽酒一簑歸扁舟笛

又 過虎丘申  
文定公祠

相國祠堂看古樹蒼崖千尺聽斷澗轆轤聲紫闌  
干吹笛士女嬉游燈火亂君臣際會松杉直任年  
年惡雨打荒碑兒童識 今古恨興亡蹟白社飲  
青門客歎三公舊事吾徒蕭瑟歌舞好隨時世改  
溪山到處還堪憶儘浮生風月倒金尊千人石

又 讀史

梅村集二十一 詩餘

顧盼雄姿數馬稍當今誰比論富貴刀頭取辦只  
應如此十載詩書何所用如吾老死溝中耳願君  
侯誓志掃秦關如江水 烽火靜淮淝壘甲第起  
長安裏尚輕他絳灌何知程李揮塵休譚邊塞事  
封侯拂袖歸田里待公卿置酒上東門功成矣

又 感舊

滿目山川那一帶石城東冶記舊日新亭高會人  
人王謝風靜旌旗瓜步壘月明鼓吹秦淮夜算北  
軍天塹隔長江飛來也 暮雨急寒潮打蒼鼠窠

宮門瓦看雞鳴埭下射雕盤馬使信哀時惟涕淚  
登高却向西風灑問開皇將相復何人亡陳者

又

詩酒溪山足笑傲終焉而已回首處亂雲殘葉幾  
篇青史昔日兒童俱老大同時賓客今亡矣看道  
傍爭羨錦衣郎曾如此 遭際盛聲名起跨燕許  
追蘇李苟不知一事吾之深耻年少卽今何所得  
孝廉聞一當知幾論功名消得許多才偶然耳

又 贈南中  
余澹心

梅村集二十三 詩餘

綠草郊原此少俊風流如画儘行樂溪山佳處舞  
亭歌榭石子岡頭聞奏伎瓦官閣外看盤馬問後  
生領袖復誰人如卿者 雞籠館青溪社西園飲  
東堂射捉松枝麈尾做些聲價賭墅好尋王武子  
論書不減蕭思話聽清譚疊疊逼人來從天下

又 重陽  
感舊

把酒登高望北固崩濤中斷還記得寄奴西伐彭  
城高讌飲至凌歊看馬射秋風落水堪傳箭歎黃  
花依舊故宮非江山換 獨酌罷微吟倦斜照下



東籬畔念柴桑居士高風誰見佳節又逢重九日  
明年此會知誰健論人生富貴本浮雲非吾願

又賀孫本芝  
壽兼得子

老矣君謨曾日啖荔枝三百拂袖去筍輿芒屨彈  
琴吹笛九日登高黃菊酒五湖放棹青山宅論君  
家住處本桃源仙翁石門第盛芝蘭集五福滿  
雙珠出看龍文驥子鳳毛殊特竹馬鳩車階下繞  
朱顏綠鬢尊前立問今朝誰捧碧霞觴同年客

又感興

梅村集二十

詩餘  
四

老子平生雅自負交游然諾今已矣結茅高隱溪  
雲生閣暇日好尋隣父飲歸來一枕松風覺但拖  
條藤杖笋鞋輕湖山樂也不赴公卿約也不慕  
神仙學任優游散誕斷雲孤鶴健飯休嗟容鬢改  
此翁意氣還如昨笑風塵勞攘少年場安耕鑿

又蒜山  
懷古

沽酒南徐聽夜雨江聲千尺記當年阿童東下佛  
狸深入白面書生成底用蕭郎裙屐偏輕敵笑風  
流北府好譚兵參軍客人事改寒雲白舊壘廢

神鴉集儘沙沉浪洗斷戈殘戟落日樓船鳴鐵鎖  
西風吹盡王侯宅任黃蘆苦竹打荒潮漁樵笛

壽金豈凡  
相國七十

維社耆英高會處門前雙戟風景好沙堤花柳錦  
堂琴瑟北叟南翁須健在東封西禪何時畢美蒼  
生濟了袞衣歸神仙客 法醞美雕薪炙燈火焰  
笙歌席正朱樓雪滿早梅消息翼鏢青山霜鏗馬  
歡娛紅粉春泥屐願百年父老進霞觴昇平日

又壽顧吏部  
松交五十

梅村集二十 詩餘

拂袖歸來閑管領烟霞除日算得是與人無競高  
飛黃鵠眼底羊腸逢九坂天邊鴈浪愁千斛脫身  
時還剩辟疆園浮生足 樽酒在殘書讀拳石小  
滄洲綠有風亭月榭醉彈絲竹嫩籜兩抽堂下筍  
蒼皮霜洗窓前水倩丹青寫出虎頭癡山公屋

滿庭芳 孫太初太白亭落  
成分韻得林字

鐵笛橫腰鶴瓢在手身巾白袷行吟仙蹤恍惚埋  
玉舊烟林多少唐陵漢寢王孫夢一樣銷沉殘碑  
在高人韻士留得到而今 雲深來此地相逢五



隱白石同心喜今朝吾輩酌酒登臨忽聽松風驟  
響蘇門嘯髣髴遺音歸來晚峰頭斜景明日約重  
尋

六么令

詠桃

一枝穠艷蘸破垂楊色到處倚牆臨水裝點清明  
陌障袖盈盈粉面獨倚斜柯立深紅淺白無言忽  
笑鬪盡鉛華半無力年年閒步過此柳下人家  
識烟臉嫩霧鬟斜腸斷東風客燕子欲來還去滿  
地愁狼藉芳姿難得韶光一片囑付東君再三惜

梅村集二十

詩餘

燭影搖紅

山塘  
卽事

踏翠尋芳柳條二月春風半  
泰娘家在画橋西有  
客金錢宴道是留儂可便細  
沈吟迴眸顧盼繡簾  
深處茗椀爐烟一床絃管  
惜別匆匆明朝約會  
新亭館扁舟載酒問嬋娟  
驀地風吹散此夜相思  
豈慣孤枕宿黃蘆斷岸嚴  
城鐘鼓凍雨殘燈披衣  
長嘆

倦尋芳

春雨

欺梅黯澹弄柳迷離一幅烟水醉墨模糊澹插浮

屠天際捲湘簾憑画閣白鷗點點飛還起視吾廬  
如掀翻一葉空江深處記今朝南湖飲士女  
嬉游此景佳麗細馬輕車不到斷橋西路雙屐衝  
泥僧喚渡一瓢沽酒柴門閉料今宵對殘燈客情  
憔悴

念奴嬌

東籬殘醉過溪來閒訪黃花消息小院高樓門半  
掩細雨欄干吹笛側帽狂呼搗箏緩唱翠袖佯人  
立欲前還止此中何處佳客却是許椽王郎風

梅村集二十一

詩餘  
七

流年少爛醉金釵側十載揚州春夢斷薄倖青樓  
贏得遍插茱萸山公老矣顧影顛毛白凭高惆悵  
暮雲千里凝碧

木蘭花慢

過濟南

天清華不注搔首望白雲齊想尚父夷吾雪宮柏  
寢衰草長堤松耶柏耶在否祇斜陽七十二城西  
石窳功名何處鐵籠籌算都非儘牛山涕淚沾  
衣極目雁行低嘆鮑叔無人魯連未死憔悴南歸  
依然洋洋東海看諸生奏玉簡金泥誰問礪礪戰



骨秋風老樹成圍

又 話舊

西湖花月地櫻筍熟鰕魚肥記粉袖銀箏青簾面  
舫烟柳春堤驚風一朝吹散嘆西興兵火渡人稀  
白髮龜年尚在青山賀監重歸 恰相逢紫蟹黃  
雞猶唱縷金衣奈狂客愁多秋娘老去木落烏栖  
無情斷橋流水把年光流盡付斜暉世事浮生急  
景道人抱膝忘機

又

壽嘉定趙侍  
御舊巡滇南

梅村集二十

詩餘

仰頭看皓魄切莫放酒杯空記六詔飛書百蠻馳  
傳萬里乘驄天南碧雞金馬把枯碁殘局付兒童  
雞黍鹿門高隱衣冠鶴髮衰翁 嘆干戈滿地飄  
蓬落日數歸鴻喜歇浦寒潮練塘新霽投老從容  
菊花滿頭須插向東籬狂笑醉顏紅高館青尊紅  
燭故園黃葉丹楓

又

中秋  
詠月

冰輪誰碾就千尺起嘯臺東記白傅堤邊庾公樓  
上幾度曾逢今宵廣寒高處問嫦娥環珮在何峰

天上銀河珠斗人間玉露金風 聽江樓鶴唳橫  
空人影立梧桐有宮錦袍緋綸巾頭白鐵笛仙翁  
欲乘月明飛去過巖城下界打霜鐘醉臥三山絕  
頂倒看萬箇長松

又

壽汲古閣主人毛子晉

尚湖高隱處較漆簡定遺經正伏勝加飡楊雄強  
飯七略縱橫爭傳殺青奇字更五千餘偈叩南能  
夜雨蒲團佛火春風茵閣書聲 臥荒江投老遺

民兵後海田耕喜柳塢堂開月泉詩就貰酒行吟

梅村集二十

詩餘九

高談九州風雅問開元以後屬何人百歲顛毛斑  
白千年翰墨丹青

水龍吟

送孫浣心之真定

無諸臺上春風燕南魏北聲名起金戈鐵馬神州  
沉陸幅巾歸里種柳門前藝瓜陂下北窓烟雨遇  
天涯故舊貽書到一鞭行李滹沱水 挾瑟高堂

趙女問叢臺幾人珠履青史紛爭于戈譚笑陳餘  
張耳漢壘秦軍季龍宮苑銷沈何處向孤城但有  
寒鴉落木暮天羈旅



風流子

爲鹿城李  
三一壽

青山當戶牖秋光霽明月倒壺觴羨金粟道人草  
堂松竹青蓮居士藜閣文章傳家久朱門開累葉  
畫省付諸郎綠酒黃花淵明高臥紅顏白髮樊素  
新粧登高頻回首江南舊恨在鐵笛滄浪十載  
故園兵火三徑都荒待山園再葺讀書萬卷湖田  
晚熟縱博千場老子婆娑不淺儘意疎狂

又

送張編修  
督學河南

中原人物盛征驂過花發洛陽街羨嚴助承明連

梅村集二十

詩餘

城建節茂先機近好士掄才賓徒滿賦成誇授簡  
鐘鼓遶繁臺嵩嶽出雲鬱葱千仞濁河天際屈注  
西來憑高披襟處千觴引醅醲意氣佳哉回首  
日邊臚唱御筆親裁待尚書尺一趨歸視草門  
盈桃李學士高齋領取玉堂佳話黃閣重開

又

掖門  
感舊

咸陽三月火新宮起傍鎖舊莓墻見殘甃廢磚何  
王遺構荒薺衰草一片斜陽記當日文華開講幄  
寶地正焚香左相按班百官陪從執經橫卷奏對

明光 至尊微笑尚書問大義共退東廂忽命  
紫貂重召天語琅琅賜龍團月片甘瓜脆李從容  
晏笑拜謝君王十八年來如夢萬事淒涼

沁園春

午朝  
遇雨

十里紅牆樹色陰濃銅扉洞開見觚稜日炫金銀  
照耀朱霞天半避暑樓臺忽起奇雲琉璃萬頃燕  
雀翠恩風動來西山上有龍迎返照惡雨驚雷

涼生殿閣佳哉但瀟灑瑤階絕點埃聽御河流水  
琤琮雜珮黃滋細柳翠逼宮槐玉管銀毫水桃雪

梅村集二十一

詩餘  
十一

藕枚馬詩成應制才承恩久待歸鞭晚霽步月天  
街

又 雲間張青瑤從中  
州南還索詞壽母

極目中原慷慨平生濁醪一杯念高堂老母桓釐  
志行窮途游子仲蔚蒿萊雅負經綸文章小技三  
尺遺孤何壯哉辭家久到燕南趙北赤日黃埃  
吾徒造物安排且布鞞青鞵歸去來有尊羹鱸膾  
能供蔬饌魚村蟹舍可葺茅齋貧賤安親詩書養  
志世上機雲少棄才成名後把懷清築起百歲高



臺

又觀潮

八月奔濤千尺崔嵬砉然欲驚似靈妃顧笑神魚  
進舞馮夷擊鼓白馬來迎伍相鳴巨錢王羽箭怒  
氣強於十萬兵崢嶸甚訝雪山中斷銀漢西傾  
孤舟鐵笛風清待萬里乘槎問客星嘆鯨鯢未翦  
戈船滿岸蟾蜍正吐歌管傾城狎浪兒童橫江士  
女笑指漁翁一葉輕誰知道是觀潮枚叟論水莊  
生

梅村集二十

詩餘  
十一

又丁酉小春海棠與水仙並開王廉州爲子  
寫秋林圖初成因取瓶花作供輒賦此詞

有美人兮宛在中央仙乎水哉似藐姑神女凌波  
獨步瀟湘極浦洗盡塵埃忽遇東鄰彼妹者子紅  
粉臙脂笑靨開須知道是兩家粧束一種人材  
東君着意安排蚤羯鼓催成巧樣裁豈陳王賦就  
新添女伴太真睡起共倚粧臺玉骨冰肌艷梳濃  
裹妙手黃荃未見來霜天晚對膽瓶雙絕點染幽  
齋

又吳興愛山臺賦  
飲分韻得關字

妍景銷愁輕衫乘興扁舟往還遇使君倒屣銀床  
枕簟羣賢傾蓋玉珮刀鏐下若新醅前溪妙舞落  
日樓臺雨後山雕闌外有名花婀娜嬌鳥綿蠻

衰翁天放疎頑况廿載重來詎等閒嘆此方巖虎

青絲白馬孫吳時山寇嚴白虎與呂蒙戰於吳興之石城山當年宋態綠

髻紅顏唐李涉有贈吳興妓宋態詩所謂解語花枝在眼前也春色依然舊

游何處剩得東風柳一灣吾堪老傍鷗汀雁渚石

戶松關

賀新郎送杜將軍殺武

梅村集二十詩餘

雙髻愁來白數威名西州豪杰玉關沙磧家世通

侯黃金印馬稍當年第一磨盾鼻懸毫飛檄雅吹

投壺詩萬首舊當陽虎帳春秋癖思往事頓成昔

天涯寂寞青門客念平生鞭箠萬里布衣之極

滿地江湖漁歌起誰弄扁舟鐵笛正柳色依依南

陌日暮鄉關何處是故人書草沒摩崖石漫回首

淚沾臆

又病中有感

萬事催華髮論龔生天年竟天高名難沒吾病難



將醫藥治耿耿胸中熱血待灑向西風殘月剖却  
心肝今置地問華佗解我腸千結追往恨倍淒咽  
故人慷慨多奇節爲當年沉吟不斷草間偷活  
艾炙眉頭瓜噴鼻今日須難訣絕早患苦重來千  
疊脫屣妻孥非易事竟一錢不值何須說人世事  
幾完缺

10246

梅村集二十一

詩餘  
十四

